



55 aniversario di De Palm Tours

ORANJESTAD - De Palm Tours e compania di actividad y transportacion ta celebra nan di 55 aniversario e aña aki. E compania a wordo estableci dia 15 di januari 1960 pa sr. Luis C. De Palm, y despues e compania a wordo adkiri na 1971 pa sr. Harold Malmberg. Bao di su maneho e compania a prospera, creciendo di 6 trahado pa 300

trahado, tur comprometi pa brinda nos turistanan experiencianan unico y inolvidabel.

De Palm Tours tin un portofolio hopi amplio, cu ta inclui 33 Bus luhoso marca Volvo, un flota di Land Rovers y UTV, un bunita catamaran, e unico submarino (Atlantis Submarines), un semi submarino yama Seaworld Ex-

plorer, De Palm Island y De Palm Pier na Palm Beach. Den transcurso di añanan e companianan a sigui expande su servicionan manehando concierge y oficina di benta na diferente hotel na Aruba y tambe brindando servicionan especificamente na grupo nan corporativo cu ta bishita nos isla, e asina yama Destination Management Services.



Na aña 2012 De Palm tabata un di e miembronan cu a establece e fundacion local yama Family First, cu ta yuda y guia famianan den necesidad.

Awe en dia miembronan di e famia Malmberg tin un rol importante manera miembronan di e directiva y como planificacion strategico y nan no ta forma parti di e maneho diario di e compania, cu ta

wordo realiza pa un grupo profesional di trahado.

De Palm Tours debe su exito na tur su empleadonan cu ta dedica pa brinda un tremendo servicio y na tur su clientenan fiel. Nan ta orguyoso di sirbi Aruba su turismo pa 55 aña y nan lo sigui haci esey brindando servicio y productonan sigur, dibratido y agradabel pa tur nan clientenan. □